

मञ्जुश्री पुस्तक माला २

हृदय-कुसुम ।

(पद्य)

नेपालभाषा (नेपालि)

लेखक—

“हृदय”



प्रकाशक—

एम्. पी. व दी. पी. उपासक ।

साइकल स्टोर, कालिपुंग् ।

प्रथमबार १०००]

मूल्य फं १५]

नेपाल संबत १०५३ फागु पुन्ही ।

हृदय-कुसुम ।

(पद्य)

नेपालभाषा (नेपालि)



लेखक—

“हृदय”



प्रकाशक—

एम्. पी. व दी. पी. उपासक ।

कालिपुंग् ।



प्रथमवार १०००]

मूल्य कं १)

नेपाल संवत् १०५३ फागु पुन्दी ।

प्रेमोपहार ।



हृदयदेवि !


प्राय भिदं निसैं जिगु मने प्रवल इच्छा दुकि छंगु
पवित्र पतिप्रेम, निर्मल निस्वार्थ सेवा व स्वर्गीय अनुपम
गुण या पलेसा छन्त नं छुं अद्वितीय वस्तु अर्पण याये
अयनं छन्त योग्यगु धा थैं हे जिगु गु पदार्थ छुं मदया
थौं तक छन्त छुंहे वस्तु बिये मखंनी परन्तु देबि ! थौं
छंगु हे प्रेरणां जि विदेशे ज्वना भले चोगु पत्र यागु दृष्टान्त
या आधारे निर्मित जूगु थुगु “हृदय-कुसुम” प्रेमोपहार
स्वरूप छंगु कोमल करकमले प्रणयपूर्वक अर्पण याना
जितः विश्वास दुकि थुह्य दरिद्र या थुगु क्षुद्र सौगात
यात छं उदारतापूर्वक ग्रहण याई ।

छंगु—हृदय ।



श्री

हृदय-कुसुम



(इन्द्रवज्रा छन्द)

हेनाथ ! खोया, थुगुपत्र चोया
सम्पूर्ण सोया, दिसँ नेत्र बोया
तोताव माया, गुगु थास झाया ?
प्रेमं जि काया, च्वन मत्त ताया

“प्रेम”

(पति परित्यक्ता या करुण-क्रन्दन)

मालिनी छन्द ।

(१)

प्रियतम ! थुगु वस्तू “प्रेम” धैगू महान
दइमख रतिमात्र स्वार्थ यागू प्रमाण
तन मतस जुना सी प्रेम याना पतङ्ग
प्रिय, जुल व बराबर् हा ! प्रभो ! छंगु सङ्ग

(२)

खगचर नभ मध्ये घोर निस्वार्थ भावं
शरद ऋतु स चन्द्रप्रेमयागु प्रभावं
प्रतिदिन थन हा हां चाहिली चातकादि
परमपि मदु माया चन्द्र या मित्रतादि

(३)

मखु जि विभव यागू भोगिनी हाय ! प्राण !
 वरु जुल छिगु प्रेमं योगिनी या समान
 प्रियतम ! ति दया छिं हे प्रभो ! कोटि विन्ति
 भति भति जक जूसां दुःखिनी यागु निम्ति

(४)

प्रिय ! छिगु पद-सेवां यां मते हीन प्राय
 छिगु चरणस दासो यात ब्यू स्थान हाय !
 व्रत, जप, तप, पूजा, ध्यान, तीर्थादि सेवा
 पति, कुलबधु पिंतः सागु खः शुद्ध मेवा

(५)

हृदय-पटस च्वंगू प्रेम रूपी उझान
 विरहन जुल थौं हा ! घोर शून्य श्मशान
 प्रणय जल विनानं हे प्रभो ! प्राणनाथ !
 विरह-अनल शान्ती ज्वी मखू प्रेमसाथ

“वियोग-वेदना”



(छह पति प्रवासी रमणीया विरह-पत्र)

बसन्त तिलका वृत्त ।

(१)

भो प्राणनाथ ! हृदयेश्वर ! पूज्यपाद !
स्वीकार या थुगु प्रणाम व आर्तनाद
याना च्वने गुलि अहो ! थुगु खें विवाद ?
फोने छिगू प्रणय-पत्र महाप्रसाद

(२)

चोया प्रभो ! नयन या जल अश्रु धारा-
याना मसी हृदयया थुगु दुःख सारा
न्हापा जुयाव च्वनगू छिगु नेत्र—तारा
वहे बिना वनिन हाय छि योह्य दारा

बसन्त —

(३)

आ मन् तया थुगु खँ छिं दिस नाथ ! नेना
 शीतर्तुया फुक व शीतल जाल फेना
 राजा बसन्त मुनका फुक थःगु सेना
 बिस्तारनं वल अकण्टक राज्य केना

(४)

हा ! दिग्बधू जन पिसं खसु-वस्त्र तोया
 कामातुराह्न रमणी सम अङ्ग वोया
 जूगू बसन्त युवकं थुगु पूर्ण सोया
 प्रीती पुलांगु लुमना जल हाय ! खोया

(५)

प्रत्येक कानन, अरण्य व देश, ग्राम
 शाखी, लतादि जुल पल्लव-पुष्प धाम
 आराम या हृद. जलाशय यागु नाम
 सुख्याति पद्म-कुसुमं जुल न्हां अकाम

(६)

चंपा, गुलाब, कमलादिक पुष्प जात
याना हवया त्वन सुगन्धित वायु यात
चा चा हिला भ्रमर यागु बथान खात
स्वां स्वां पतिं रसिक थें जुल गन्ध कांत

(७)

न्याना परागमय मारुत मन्द मन्द
याना विनाश दुरगन्ध प्रभो ! अखण्ड
सत्पुत्रनं कुलस याइ गथे प्रबन्ध ?
याना अथे जुल बसन्त थनी घमण्ड

(८)

हा ! रोगिनी कमलिनी जल-पुष्प त्यागी
वहे कुने जक सुला जुइह्यः अभागी
होई धका कमल-पुष्प महान योगी
आदित्य उत्तर स्वया बल प्रेम रोगी

(६)

बसन्त कोकिल मुना मन मान गान
 याना जुया च्वन मनोभव या बयान
 व गीत या मधुर-शब्द जुयाव बाण
 काईन चित्त-मृग या थनि हाय ! प्राण !

ग्रीष्म —

(१०)

वियोगिनी जन पिनो रिपु न्हां बसन्त
 गर्वी महा धनिक थें जुल वैगु अन्त
 चाहू खनी समय चक्र सदा अनन्त
 पापी बसन्त फुत ग्रीष्म वया तुरन्त

(११)

स्वामिन् ! छुयां ? विरहिनी जन यागु पीर
 छुं पा मजू थन वया उह्य ग्रीष्म वोर
 श्रो सुर्य रश्मि अति उष्ण जुया समीर-
 हा ! क्वागुलिं जुल जिगू मनजा अधोर

(१२)

छोया वया च्वन व भास्कर तापकारी
यानाव शोषण महीतल यागु वारि
व ताप या अनल नं पृथिवी-कुमारी
स्वामी विना हृदय थें जुल शून्य भारी

(१३)

ग्रीष्मं बसन्त कृत गौरव व्याकृ भूष्ट
कुपुत्रनं विभव थें फुक यात नष्ट
न्ह्याना वया पवन उष्म जुया समस्त
कान्तार्थिनी प्रणय-स्वास समान व्यस्त

(१४)

गाम्भीर्य या सदृश पाटल-पुष्प एक
थ्व ताप नं सहलपा च्वन हिस्सि देंक
बच्छी किकाव तरु-पत्र स अं अनेक
गें लं बिचें स्तन जिगु सुलियें उदेक !

(१५)

बांला वसन्त समये व नदी नितान्त
 आ नीर हीन जुल हा ! नद यागु प्रान्त
 बह्ला खनी उह्य महाबलवान् कृतान्त
 पाल् पाल् थिनाव चवन केवल रेणु शान्त

(१६)

बोनाव ग्रीष्म ऋतु या पति धेँ प्रतापी
 तिं तिं न्हुया जुल कुशी उह्य सर्व व्यापी
 निद्रादि ओगु मखु चा चिकिहा तथापि
 पुत्तू पुला लुमन हा ! हृदयेश—पापी

वर्षा —

(१७)

वर्षा वयाव फुक हाय ! मलयंक शेष
 कादम्बिनीं गगण तोपुल न्हां विशेष
 ग्यानाव भूल-घनसं व शशी दिनेश
 न्याई धका उह्य पतिं सुल जीवनेश !

(१८)

वर्षाद या पवनया जुल आ विकाश
वेगं गथे वइ जिगू थुगु आह-श्वास ?
आकाश मेघमय खूँ मदु न्हां प्रकाश
शोकं गथे जुल जिगू मुख-कान्ति नाश ?

(१९)

हा ! कण्टकी कडम आ सल लू खँ ल्हाय ?
रोमाञ्च ज्वी जिगु गथे थुगु देह प्राय ?
फिर् फिर् सनाच्चन व केतकि-पत्र हाय !
कम्पायमान जुइ थें जिगु क्षुद्र काय

(२०)

आकाश नाट्य भवनादिक मेघ ताल
प्याखंल्हुया च्वन नटी बिजुली-विशाल
पुल् पुल् कना नयन रूप गु फेनजाल
याना स्वया च्वन व अणव न्ह्यू गु ख्वाल

(२१)

साला क्या वसुमतीं चपला पियारी
 हा ! गर्जना जुल व क्रोधित नीरधारी
 खोया सिना थहुँ गृहे पति हीन नारी
 वास्ता छिके जक मदू रति दुःख हारी !

(२२)

तायाव मेघ-रब नाथ ! मयूर मार
 प्याखं लहुया जुल अहो ! थन बार बार
 धर् धर् वया च्वन घनं गुलि नीर धार ?
 स्वामिन् ! जिगू नयन या जल थेँ अपार ?

(२३)

न्ह्याना प्रभो ! बलवती व नदी-तरङ्ग
 याना नदी तटस च्वंगु व द्याम भङ्ग
 प्रेमं जुयाव च्वनगु जिगु धैर्य-अङ्ग *
 सम्पूर्ण नाश जुलथेँ व वया अनङ्ग

* अङ्ग = छेँ यागु अङ्गः

शरद

(२४)

वर्षा फुका बल शरदतु प्राणनाथ !
वृद्धा छवया लिथु गथे वइ हर्ष साथ ?
प्याहा वया चवन घनं उह्य पद्म-नाथ
भूलं गथे युवक पिं वइ नम्र माथ ?

(२५)

दरिद्र मेघ जलहीन जुया विरक्त
स्वामी विहीन रमणी सम हा ! अशक्त
प्रीका यना चवन फसं घन-दर्प-युक्त
प्रेमं गथे जुइ जिगू मन-ताप-मुक्त ?

(२६)

यागू खना पवन काल जुयाव ग्रास
नापं सती वन तडित् मदयाव आश
फेने मज्यू तदपि हा ! थुगु प्रेम-पाश
यावे गथे मसिल जिं छिगु नाप वास ?

(२७)

बर्षा बले प्रकृतिनं घन-केश देंका
 शृङ्गार पूर्ण जुयका विधि यात ख्वेका
 थौं झत्त तोतल विधिं गन वैत हेका ?
 शोकं अले जुल व केश कलाप सेंका

(२८)

फुकं विलुप्त जुल रम्य नदी-उमङ्ग
 गे फुक गुप्त जुल थौं जिगु हास्य-रङ्ग
 शीतादि ताप मदया फुक जीव दङ्ग
 ख्वेके गुली जिजक केवल ? ब्पू प्रसङ्ग

(२९)

सम्पूर्णं कर्दम गना पथ स्वच्छ शान्ति
 स्वामिन् ! जिगू हृदय थें दुगु पूर्ण दान्ति
 आनन्ददायक शरद्-नव-चन्द्र-कान्ति
 केवल छुयां ! जिगु मने जक नित्य कान्ति

(३०)

श्वासादि काश, ज्वर, संग्रहनी महान
विसूचिकादि मदु रोग रति प्रमाण
प्रेमैगु रोग जुल थौं मदुगू निदान
सोये धुनः पुरुष या म्हुतुया जमान !

हेमन्त —

(३१)

सौन्दर्य पूर्णह्य शरद् ललना खनाव
हेमन्त दुष्ट जन थें वल आ दनाव
ग्याना बिसी वन शरद् विदिशा खयाव
मासा गथे वृष खना वनि “म्हा” धयाव ?

(३२)

वृक्षं सदा तिकि तिकी वल शीत प्राण !
धाये गुली ! जिगु थ्व नेत्र-ख्वबी समान
तुषार मण्डित जुया अटवी उझान
सर्वत्र रौप्यमय थें जुल हाय ! भान

(३३)

पुष्पादि पल्लव विहीन लतादि वृक्ष
 भोप्राणवल्लभ ! जिथें जुल हीन लक्ष्य
 शश्यादि श्यामल हिमं फुक यात भक्ष
 आशादु निश्चय छको जुइ शुक्ल पक्ष

(३४)

यागू हिमं दमन पङ्कज निःसहाय
 खंसां मफू दिनमणिं प्रतिशोध याय
 योगी समान खसु-वस्त्र पुना कषाय
 मार्तण्ड दक्षिण स्वया वन नित्य प्राय

(३५)

त्याकाव हाय ! दिन यात महान रात्री
 दुःखी श्वजीवन गथे जुल दीर्घ गात्री ?
 संयोगिनी जन पिनी जुल योद्धा धात्री
 प्राणप्रभो ! जिजक केवल दुखः पात्री

(३६)

व्योमे दिवाकर दुसां चिकु प्रायशीत
आ कल्पना छिगु मने जुइ रात्रि शीत
ताया फुकं विरह या थुगु आर्त-गोत
चान्हे निशाचरत नं जुल हाय ! भीत

(३७)

ल्हापा तुती चिकु गुलिं कुन केँ पियीया
प्राणेश ! दीर्घ-रजनी गुलि दुःख बीया
ल्हापु जुया तक तकं च्वन दन्त झोया
झायेगु अज्ज मखुसा जुय मृत्यु खोया

शिशिर —

(३८)

हेमन्त जा फुत धका भति हर्ष याना
झं शीतता शिशिर या वल हाय ! नाना
दाम्पत्य मात्र चिकुया च्वन नाप ग्याना
हे नाथ ! थौँ जिजक छिं तल नित्य वाना

(३६)

सम्पूर्ण खोपुमय कूप, नदी, तडाग
 नेया मखा तल लखं हिम गा सराग
 नाया धमा धम हिमाचल यागु भाग
 याना नदीस वल पुस्कर शैल त्याग

(४०)

झा, पा फुकं जुल अहो ! गुलि शून्य ध्वंस
 हाया पुलांगु दल छुं मदु अंश-वंश
 भ्वाथः गु पत्र जक हे मदु एक अंश
 गें क्षीण आ जिगु कलेवर हीन-मांस ?

(४१)

पत्रादि हीन गु महीरुह यागु चाल
 प्रेमं गथे जुल जिवेँ जक देह ख्वाल
 केवल खने दत्त थनी सरसी मृणाल
 हा ! पद्म-पत्र गन आ वन ? धन्य ! काल !

(४२)

संकष्टदायक जुया वल पात-वस्त्र
नारी पिसं मपुन थौं उगु धैर्य-अस्त्र
तेँ यागु उष्ण वसतं पुन यत्र-तत्र
दासी समान चिकुका जुय मालि नत्र

(४३)

आनन्द छुं जुल भती थुगु खं ननानं
चोहा अवश्य जुइ आ व तमो निशानं
किन्तू थ्वखं जुल छता थुगु खेद आनं
बसन्त आगमन निश्चय ! ज्वोगु हानं

(४४)

बसन्त आदि थुगु षट्तु सर्वएव
पीडा, व्यथा जक बिया फुत नित्यमेव
दच्छी फुना वन छि झागु तथापि देव !
थौं आ तर्कं मदुगु दर्शन पत्रएव

शेष —

(४५)

इन्द्रादि दिग्पति फुकं थव दार नाप
 आनन्दपूर्वक म्हिता चवन धैगु साफ
 खंसां जितः थुलित दुःख बियाव ताप
 आराध्यदेव ! छुदु जिंजक यागु पाप ?

(४६)

गौरी लिसे चवन उमापति नित्य नग्न
 अन्दाज सप्तदश वर्ष जुयाव मग्न
 रामं अथें मखु व सिंहल-द्वीप भग्न
 सीता-वियोग विरहं जक यागु रुग्न

(४७)

व्यासादि, गौतम, पराशर, विश्वामित्र *
 गर्गा, वशिष्ठ, जनकादिक अत्रि भित्र
 श्वखें छता मजुल सुं मुनिपिं पवित्र
 एं नं मस्यू श्व विरहानल यागु चित्र

(४८)

कृशाङ्गिनी ह्य जिखना झन भिन्न भिन्न
कन्दर्प या प्रचुर वाण प्रहार ज्वीन
दुर्भाग्य नं जिजुल थौं पति-हीन-दीन
पुत्त पुलाव च्वनि थें जल-हीन-मीन

(४९)

धार्ड—“जिकेदु पुरुषं फुक प्रेम-धर्म
नारी पिसं रति मस्यू थुगु शुद्ध कर्म”
किन्तू प्रपञ्च जक खः फुक शर्म ! शर्म !
जिंस्यू बरू थुगु “पतिव्रत” यागु मर्म

(५०)

थ्व खें जुया विरह-विह्वलतां प्रवृत्त
माया दहे दइ अवश्य जिगू निमित्त
तस्मात् छिके विनति जीवनयागुबित्त !
झाया जिगू “हृदय” सं दिस तेंत चित्त

कठिन शब्द या अर्थ ।

(६ पौ)

पति परित्यक्ता—भातं वाना तःह्य

करुण-क्रन्दन—करुण चाया

पुक खोगु

रतिमात्र—भतिचा हे

तन—शरीर

पतङ्ग—की

सङ्ग—नाप

खगचर—भंग

निस्वार्थ भावं—थः जोकेगु

मसोसे

प्रभावं—जोरं

प्रतिदिन—न्हिथं

परमपि—अयनं

(१० पौ)

विभव—सम्पत्ति

भोगिनी—भोगयाइह्य मिसा

पदसेवां—चरण सेवां

कुलवधु—भौमचा

मेवा—फल

हृदयपट—नुग चु

प्रणय जल—प्रेम रूपी लः

अनल - मि

(११ पौ)

पतिप्रवासी—भात विदेशे लाह्य

स्वीकार—मञ्जुर

आर्तनाद—तः सकं हागु शब्द

प्रणय पत्र—प्रेम पत्र

अश्रुधारा—खोबि धा

नेत्रतारा—मिखाया नानिचा

दारा—कला

(१२ पौ)

शीतर्तु—चिकुला

शीतल जाल—ख्वाउँ गु

अकण्टक—कं मदुगु

दिग्बधू—दिशारूपी भौमचा

कामातुरा—तस्सकं काम

इच्छा जूह्य मिसा

कानन, अरण्य—वन

शाखी—सिमा

पल्लव—चुलि

धाम—थाय

आराम—केब

हृद, जलाशय—पुष्प

सुरक्षाति—प्रसिद्ध

पद्मकुसुम पलेस्वां

अकाम व्यर्थ

(१३ पौ)

रसिक—रस काइह्य

परागमय—स्वां यागु धूलं
युक्त गु

मारुत—फये

मन्दमन्द—बुलुहू

विनाश—नाश

अखण्ड—सम्पूर्ण

प्रबन्ध—बन्दोबस्त

कमलिनी—पलेस्वां

आदित्य—सूर्य

(१४ पौ)

मनोभव—कामदेव

चित्तमृग—चित्तरूपी चला

रिपु—शत्रु

गर्वी—गुमानी

अन्त—नाश

समयचक्र—समय चा हिलिगु

अनन्त—मदिक

उष्ण—क्वागु

समीर—फये

(१५ पौ)

भास्कर—सूर्य

तापकारी—तांनोयेकैह्य

शोषण—सालिगु

महीतल—पृथिवी

वारि—लः

बसन्त कृतगौरव—बसन्त याकें
जूगु शोभा

उष्म—क्वागु

कान्तार्थिनी—भात इच्छा
जूह्य मिसा

प्रणयश्वास—प्रेमया सासः

व्यस्त—लगे जुयेगु

गाम्भीर्य—गम्भीरतायुक्त

पाटल पुष्प—गुलाब स्वां

तरुपत्र—सिमा यागु हः

स्तन—दुरुपा

(१६ पौ)

नितान्त—अत्यन्त

नीर—लः

नद—खुसी

कृतान्त—यमराज

रेणु—फि

कादम्बिनी—मेघमाला (सुपाय)

गगन—आकाश

घन—सुपाय

शशी- चन्द्रमा

दिनेश—सूर्य

(१७ पौ)

पवन—फये

विकाश—प्याहा ओगु

आहश्वास—भसुका

मेघमय—सुपाचंतोपुया च्वंगु

मुखकान्ति—ख्वायागु तेज

कण्टकी—कं दुगु

कडम—फल

रोमाञ्च—चिमिसँ प्वा दना वैगु

देह—शरीर

कम्पायमान—थर थर खाइगु

क्षुद्रकाय—चिकिधंगु शरीर

नाट्य भवन—प्याखं दुईगु छें

नदी—प्याखं मो

फेन—पीजा

अर्णव—समुद्र

(१८ पौ)

वसुमतो—पृथिवी

चपला—बिजुली

नीरधारी—मेघ

मेघ रव—नं न्याइ गु

अङ्ग—छे यागु अङ्ग (पखा)

अनङ्ग—कामदेव

(१९ पौ)

पद्मनाथ—सूर्य

नम्रमाथ—छो कोछू पिं

घनदर्पयुक्त—घमण्ड दुगु सुपाये

तडित्—बिजुली

(२० पौ)

घनकेश—सुपाय रूपी सँ

विधि—ब्रह्मा

केशकलाप—सँ छैना बां लाकेगु

नदी उमङ्ग—खुसि यागु तरङ्ग

विलुप्त—गुप्त

हास्यरङ्ग—न्हिलेगु

प्रसङ्ग—नाप च्वनेगु

कर्दम—ध्याचः

पथ—लं

दान्ति—सह याय फुगु भाव

शरद नव चन्द्रकान्ति—शरद

ऋतुया न्हूगु चन्द्रमाया तेज

क्रान्ति—गद बद

(२१ पौ)

श्वास—दम रोग

काश—मुसु

संग्रहनी—क्षयरोग

विसूचिका—हैजा

निदान—उपाय

ललना—मिसा

वृष—दोह

तुषारमण्डित—च्वापुं

तोपुया च्वंगु

अटवी—बन

सर्वत्र—न्हाथासं

रौप्यमय—वह लं सियातःगु

(२२ पौ)

लक्ष्य—उद्देश्य

पङ्कज—पलेखां

दिनमणि—सूर्य

प्रतिशोध—वदला कायेगु

कषाय—चीवर वस्त्र

मार्तण्ड—सूर्य

(२३ पौ)

व्योम—आकाश

दिवाकर—सूर्य

आर्तगीत—खोया हालिगुमे

निशाचर—चान्हे प्याहाजुइपिं

भीत—ग्यापिं

दीर्घरजनी—ताहाकःगु चा

दाम्पत्य—निहतेपू

(२४ पौ)

कूप—तुं

तडाग—पुखू

सराग—घमण्डपूर्वक

हिमाचल—च्वापु गुं

पुस्कर—लः

शैल—पर्वत

दल—हः (पत्र)

क्षीण—गं सिगु

कलेष्वर—शरीर
हीन मांस—लामदुग्ध
महोरुह—सिमा
सरसी—पुखुली
मृणाल - पलेखादं

(२५)

तमीनिशा—ख्यू गु चा
षट्पतु—खुगु ऋतु
सर्व एव—फुकं
नित्यमेव—न्हितं

(२६)

दिग्पति—दिग्पाल
दार—कला
नग्न—नांगा
भग्न—स्योगु
रुग्न—रोगी

गौरी—पार्वती
उमापति—महादेव
सप्तदश वर्ष—भिं न्हयेदं
सिंहल द्वीप—लंका
विश्वमित्र—विश्वामित्र ऋषि
विरहानल—विरहया मि

(२७)

कृशाङ्गिनी—गं सिंह मिसा
कन्दर्प—कामदेव
प्रचुर—आपा
पति हीन दीन—भात मदया

दुःखिह

मीन—न्या
प्रवृत्त—लगेजुइगु
वित्त—धन
विरह विह्वलता—विरहं अथे
याये थथे याये मस्यू ह्य



मञ्जुश्री पुस्तक माला १

→ पद्य निकुञ्ज ←

श्व सफून "हृदय" यागु हे कृति खः गुगुली माँ, भगवान-
गौतमबुद्धयास्तोत्र, स्मृति, युधिष्ठिर-धर्मसम्बाद, षट्गति,
आरती व प्रवास नामक च्यागु पद्यमयरचना दु ।

मूल्य वहे कं १) जक ।

पुस्तक प्राप्तिस्थान—

एस्. पी. व दी. पी. उपासक ।

साइकल स्टोर, कालिंपू ।

मुद्रक—श्रीपाँचकडि दे,

सुलभ प्रेस,

८४ नं० अपर चितपुर रोड, कलकत्ता मा छापीयो ।